

U sciappacapu

Asirciziu di ricerca

Ogettivi pedagogichi

Capacità messi in baddu : calculà cù numari relativi ; ricircà infurmazioni.

Cumpitenzi messi in baddu : calculà, circà.

Enunciatu

Dopu à u successu di u ghjocu televisuali Sapientoni, eccu chì Via Luna pruponi un ghjocu novu da i cullighjanti. Si chjama Sciappacapu stu ghjocu : si tratta di risponda à 25 dumandi di calculu di capu. Si partecipeghja à squatri misti di 2 sculari. Un candidatù rispondi à i dumandi è quidd'altru calculeghja u risultatu. Di sicuru, ùn ci hè calculatrici da aiutà.


Dui squatri di quarta di u culleghju Simone Vinciguerra è dui altri di u culleghju di Montesoru sò candidati. I so cumpagni l'incuraghjiscini da u publicu.

Hè affissata una prima classifica, sicondu i risposti dati da i candidati. Po venini virificati i risultati dati da u so cumpagnu. In casu di sbagliu in u risultatu, perdi 7 punti a squatra.

Da calculà u risultatu, eccu i reguli : cù una risposta bona si vinci 8 punti, si ni perdi 6 cù una risposta falsa è 4 s'eddu ùn ci hè risposta. Poni essa nigativi i risultati.

Cumplittareti l'affissera di i punti di u ghjocu è daretu a classifica finali.

	Culleghju Simon Vinciguerra	Culleghju Simon Vinciguerra	Culleghju di Montesoru	Culleghju di Montesoru
	Saveria è Gaëtan	Baptiste è Leïla	Karim è Lisandra	Lilas è Joseph
Numaru di risposti dati	15	20	14	22
Numaru di risposti ghjusti	13	13	13	13
Risultatu				
Virifica di u calculu di i risultati	Ghjustu	Falsu	Ghjustu	Falsu
Risultatu finali di a squatra				



Lessicu

Affissera : *affichage.*

Classifica : *classement.*

Incuraghjiscia : *encourager.*